

Faaaliga

Aso: 10 Mati, 2014

Mo: Au Pulega Aoao; Fitugafulu Eria; Peresitene o Misiona, Siteki, ma Itu; Epikopo ma Peresitene o Paranesi

Mai le: Matagaluega o Faifeautalai (801-240-2222)

Mataupu: Suesueina o le Faama'i o le Fatafata Vaivai (Tuberculosis) mo Faifeautalai ua Maea Mai Misiona

O LE EKALEZIA A
IESU KERISO
O LE AU PAIA O ASO
E GATA AI

O le faama'i o le fatafata vaivai (tuberculosis) o se faama'i pipisi matautia lea e mafai ona faaleaga ai mama ma isi totoga taua. E matua taua tele mo faifeautalai uma ua maea mai misiona le suesueina mo le faama'i o le fatafata vaivai (tuberculosis) aua e mafai ona latou aafia ai i le faama'i e aunoa ma le iloaina vave o ni faailoga.

O loo faapipiina atu faatasi ma leni faaaliga se tusi o le a tuuina atu e peresitene o misiona i faifeautalai ua maea mai misiona, e faatonuina ai i latou ina ia suesueina mo le faama'i o le fatafata vaivai (tuberculosis) i se taimi vave pe a latou toe foi mai i le aiga. E mafai ona sii mai ni kopi faaeletonika o leni tusi e peresitene o misiona mai le saite autu a Peresitene o Misiona (missionary.lds.org/presidents) pe mai le aufaigaluega a le ofisa o le misiona e ala i le uepisaite Faafomai a Faifeautalai (missionarymedical.org).

Matou te talosaga atu i taitai perisitua o le lotoifale ina ia uunaia faifeautalai ua maea mai misiona ia faia se suesuega mo le faama'i o le fatafata vaivai (tuberculosis) pe a latou toe foi mai i le aiga ma ia mautinoa ua lava a latou punaoa ina ia maua ai leni tausiga.

Lau Susuga Elder/Sister _____:

Mataupu: Suesueina o le Faama'i o le Fatafata Vaivai (Tuberculosis)

O le faama'i o le fatafata vaivai (tuberculosis) o se faama'i pipisi matautia lea e mafai ona faaleaga ai mama ma isi totoga taua. O se faama'i taatele, lea pe ā ma le tasi vaetolu o le faitau aofai o tagata o le lalolagi o loo maua ai i le faama'i. O tagata fetalei o loo aafia ai e masani lava ona faasalalauina atu le faama'i i isi.

O le toatele lava o tagata o loo aafia i le faama'i o le fatafata vaivai e leai ni faailoga e vave iloaina ai. E ta'ua lenei mea o le *fatafata vaivai natia*. O i latou o maua i le fatafata vaivai natia e 10 pasene le avanoa e toe maua ai i le faama'i i se taimi mulimuli ane.

Ina ia aua nei e atiaeina ni faailoga tuga mai le ono maua ai i le fatafata vaivai, e *matua taua tele* le suesueina o oe mo le fatafata vaivai i se taimi vave lava pe a e toe foi mai i le aiga. E tusa lava po o a taunuuga o au suesuega mo le fatafata vaivai ae e te lei alu i lau misiona (pe sa e maua ai pe leai), e tatau lava pea ona e alu e vaai se fomai po o le matagaluega o le soifua maloloina ina ia toe suesueina pe a e toe foi mai i le aiga. Atonu e manaomia foi se suesuega faaopoopo po o se togafitiga.

Afai o e maua i le fatafata vaivai natia, e tatau ona e mulimuli i fautuaga a lau fomai po o le matagaluega o le soifua maloloina i le lotoifale e tusa ai ma aiaiga faavae o le soifua maloloina a lou atunuu. Faafetai tele mo le tausia lelei o lou soifua maloloina ina ia e tumau ai o se auauna malosia ma maloloina a le Alii i lou olaga atoa.

Ma le faamaoni lava,

Peresitene o le Misiona